

KUZUKUTA NTHANO YA BWAMPINI

MUTU 1

DZIKO LA AZIMU

Msonkhano wa Azimu onse

Malo ochitikira nkhani: Kumwamba ku dziko la Azimu ku Mtheradi

Mayiko atatu amene adalengedwa ndi makolo a Tinjiwa
Mtheradi, Sachokeka ndi Midima

Yemwe adayitanitsa msonkhano: Tinjiwa mfumu ya Azimu

Ampangankhani m'gawoli

Tinjiwa:	mfumu ya Azimu wonse
Ngapagwa:	mkazi wa Tinjiwa
Chimphanza ndi Ndomondo:	abale a Tinjiwa
Saisi:	mkazi wa Ndomondo
Mphukei:	mwana wa Ndomondo
	komanso mkazi wa
	Chimphanza

Ana a Tinjiwa

1. Mbamba

Mwana woyamba wamamuna wa Tinjiwa . Anali wochenjera ndipo anakonda zachipala

2. Mziisi

Mwana wamkazi komanso wachiwiri wa Tinjiwa.
Anali wamphamvu kuposa mwamuna wina aliyense.

3. Mapiko

Mwana wachitatu wa Tinjiwa (wamamuna).
Anali ndi thupi lopepuka ndipo ankauluka kuposa njiwa

4. Ching'aning'ani

Adapondana ndi Mapiko. Anali wokongola koyiwalitsa zambiri.

5. Chezichezi

Mnyamata womvetsa kaso. Anali ndi luso la kuyimba komanso kusema. Anali ndi nzeru poyankhula komanso pochita zinthu mwakuti anali wachiwiri kwa atate ake.

Cholinga cha msonkhano



Tinjiwa adafuna kupereka maudindo osiyanasiyana m'mayiko atatu omwe adalengedwa ndi bambo ake a Tinjiwa popeza ntchito idali kumulemetsa.

Kagawidwe Ka Maudindo

Kusachokeka

- ▶ Ndomondo ndi amane adasankhidwa kuti akalamulire popeza amakonda Nyanja zakumeneko. Ndomondo adati akamanga nyumba yake yaufumu mu Nyanja ya Mchere kummawa kwa dziko la anthu akuda.

Ku Midima(kudziko la anthu akufa)

- ▶ Chimphanza adasankhidwa kukakhala kumeneku popeza amakonda kumva chisoni anthu akamwalira ku Sachokeka.
- ▶ Mapiko adasankhidwa kukhala mtumiki woyamba wamithenga ku Sachokeka popeza adali wandawala.
- ▶ Chezichezi adalandira udindo wogawira anthu nzeru ndi luso ku Sachokeka.
- ▶ Mziisi adasankhidwa kukhala mwini nkondo ngakhale adali wamkazi popeza anali wamphamvu zedi.
- ▶ Mbamba adasankhidwa kukhala mwini zida ndi chipala. Pokonzekera

Zochitika za Azimu zofanana ndi anthu

Ofuna kukwatira amakwatira, osafuna ankakhala choncho.

Zakudya za Azimu: uchi, chingwa

Chakumwa cha Azimu: manyuchi

- ▶ Pamene Azimuwa ankakonzekera ulendo wawo wopita m'malo osiyanasiyana omwe amakalamulira monga ku Midima ndi ku Sachokeka, anthu akumeneko adadodoma ndi mabingu komanso zochitika za ku Mtheradi.
- ▶ Azimu anali kukwatirana pachibale popeza analipo ochepa kwambiri choncho Mbamba adakwatira mlongo wake Ching'aning'ani ndipo Chimphanza adakwatira Mphukei mdzukululu wake (mwana wa Ndomondo).

Mfundo Zazikulu

1. Kuvomereza zinthu

Tinjiwa anavomereza kuti dziko lamkulira ndipo ntchito yamulemetsa choncho adaganiza zonyemerako abale ndi ana ake kuti amuthandize kulamulira.

2. Kuderera

Mapiko adanena kuti ntchito yankhondo ndiyoyenera munthu wamamuna osati wamkazi



3. Kudalira

Tinjiwa anadalira ana ake kuti amuthandiza kulamulira m'zigawo zosiyanasiyana zadziko

4. Kukhulupirira

Tinjiwa adakhulupirira ana ake kuti akwanitsa kulamulira ndi mphamvu zawo.

5. Kukhulupirirana

Ana a Tinjiwa adakhulupirirana kuti akwanitsa kulamulira malingana ndi kuthekera kwa wina aliyense mwa iwo.

6. Kulemekeza ufulu wa anthu ena

Tinjiwa adapereka ufulu kwa aliyense mwa ana ndi abale ake kuti atenge udindo womwe akufuna.

Maphunziro

► Munthu amalandira udindo malingana ndi kuthekera kwake

- ✓ Abale ndi ana a Tinjiwa analandira maudindo osiyanasiyana malingana ndi kuthekera kwawo.

Matanthauzo amawu

Mgwegwe:	kulimbana
Mkazi wanga wamphete:	mkazi wanga wodziwika, wovomerezeka
Pwa!pwa!pwa!:	liwu lomveka anthu akamaomba m'manja
Akhwima nthenga:	akula ndipo afika pamsinkhu wotha kulamulira
Ndachisunga ngati phukusi lambewu:	ndachisunga mosamala zedi
Zachipala:	zosulasula monga makasu, nkhwangwa, mipeni ndi zina zachitsulo

MUTU 2

ZIMEZE MFUMU YA ANGITAWU

Malo ochitikira nkhani: Ku Sachokeka (dziko lachiwiri)

Nkhani mwachidule

Mfumu zimeze ikucheza pakhonde ndi mkazi wake, nduna zake komanso mamulumuzana ake kudadza Mapiko (wamnthenga wa Azimu) yemwe adabweretsa uthenga woti maufumu atatu omwe akuwadziwa kale agawidwa. Tinjiwa wolamulira Kumwamba ku Mtheradi, Ndomondo wolamulira ku Sachokeka komanso Chimphanza wolamulira ku Midima (dziko lapansi penipeni). Akafuna nzeru azipempha kwa Chezichezi; akafuna zida zankhondo azipempha kwa Mbamba ndipo ngati nkoyenera adzawapangira ndipo Mziisi ndiye asunga ndale zonse



zankhondo. Atapereka uthengawo, Mapiko adabwerera kumwamba podzeranso mumtambo womwe udamubweretsa.

Ampangakhani

Zimeze

Mfumu ya Angitau , anali ndi tsitsi lakuda,wachinyamata, wamfupi komanso wokhuthala bwino, wansangala komanso wokongola mwachifumu

Nachimasomaso

Mkazi wa Zimeze, anali wachifupikire,wonenepa,watsitsi lotuwira, timaso towala,nkhope yosalala ndi yowala, chili chonse pa iye chinali m'malo mwake, anali wokongola kuposa akazi onse ku Sachokeka

Bwampini

- ▶ M'modzi mwa nduna zowerengedwa za mfumu Zimeze,
- ▶ kwao kunali ku Buwa kwa Angitau komweko koma fuko lina,
- ▶ anali wochenjera poyankhula komanso poweruza milandu,
- ▶ ankadziwa kulewa ndale za anthu,
- ▶ ankadziwa kuyankha mafunso okhwima

Mamulumuzana ndi makosana

Ankacheza ndi mfumu zimeze pamene Mapiko adabwera ndi uthenga wochokera kwa Azimu

Nduna

- ▶ Zina zidafuna kuchita chipongwe Azimu poganiza kuti akufuna kuwalanda ufumu,
- ▶ Zina zidati angoyembekezera awone chomwe chingachitike ndi mawu a Azimu

Chipempherere

Mkulu wansembe

Mtsutso pa uthenga wochokera ku Ntheradi

- ▶ Mfumu zimeze itafunsa nduna ndi mamulumuzana padatuluka mfundo zotsatirazi:
- ▶ Nduna zitatu zidaganiza zochita chipongwe Azimu poganiza kuti anali kufuna kuwalanda ufumu
- ▶ Ena adaganiza zoti angokhala kuti awone m'mene ziti ziyendere.

Mawu a Bwampini pa uthenga wa Azimu

- ▶ Adatsutsa enawo nati nzeru za iwo aku Sachokeka singafanane ndi za Azimu a Kuntheradi
- ▶ Sadayenere kuchita chipongwe Azimu popeza anali kuwamva pamene anali kuyankhula panthawiyo.
- ▶ Mgawano wa Azimu pa ulamuliro unali ndi phindu kwa anthu a ku Sachokeka.
- ▶ Ndi nzeru zawo, Azimuwo adzathandiza anthu aku Sachokeka.



- ▶ Angochita chaka nasonkhanitsa anthu kuti amvetse; pakutero adzakondwetsa Tinjiwa wawatumizira Ndomondo kuti adzakhale woweruza pazinthu zomwe iwo samvetsa ndi nzeru za umunthu.

Zomwe zidatsatira Bwampini atapereka maganizo ake

- ▶ Mfumu ndi akuluakulu onse adamuombera m'manja komanso adamuweramira poti mawu ake adapitirira nzeru za umunthu.
- ▶ Mfumu idalamula kuti asonkhanitse anthu ndipo atafika Bwampini adawafotokozera mawu amfumu.
- ▶ Kukonzekera chaka pakuvomereza maganizo a Azimu
- ▶ Anthu adapha zifuyo zosiyanasiyana.
- ▶ Anthu adaphika zakudya ndi misuzi yambiri komanso adakonza zakumwa zoledzeretsa

Zochitika paphwando

- ▶ Mkulu wansembe, Chipempherere, adapereka nsembe kwa Azimu onse.
- ▶ Chipempherere adaperekanso nsembe ina yolandira ndi kuvomereza chitetezo cha Ndomondo.
- ▶ Anthu anadya, adavina komanso adamwa kwa ndazioneranj!

Mfundo zazikulu

1. Kuganiza mwakuya

Bwampini adapereka ganizo loti mfumu Zimeze ndi nduna zonse ayenera kumvera ndi kutsatira zomwe adanena Azimu kuti ayenera kupempha nzeru ndi zina zosowekera kwa Azimuwo komanso kuti Ndomondo ndiye adzalamulira dziko la Sachokeka.

2. Ulemu

Bwampini komanso mfumu Zimeze adachitira ulemu Azimu

3. Kulemekeza maganizo a nduna

Mfumu Zimeze idalemekeza maganizo a Bwampini otsatira uthenga wochokera kwa Azimu womwe udabwera ndi Mapiko

4. Chibwana

Nduna zina zidaganiza zochita chipongwe Azimu poganiza kuti akufuna kuwalanda ufumu.

Phunziro

Angitau adalemekeza uthenga komanso mafuno a Azimu.

- ▶ Adamvera zomwe adanena Mapiko ndipo adachita chaka motsogozedwa ndi mfumu Zimeze ndipo Mkulu wansembe, Chipempherere, adapereka nsembe ya Azimu komanso ina yapadera yolandira ndi kuvomereza chitetezo cha Ndomondo

Matanthauzo amawu

Mamulumuzana: akuluakulu othandiza mfumu pa udindo wake

Makosana: akuluakulu othandiza pabwalo la mfumu



MUTU 3

MFUMU YA ABUWA

Malo ochitikira nkhani: Kummwera kwa dziko la Angitau komwe kumakhala Abuwa

Nkhani Mwachidule

Bwampini adakwatira Namasinkho, mkazi yemwe anali wolingana naye pafupifupi muzonse ndipo anali kukondana kwambiri mwakuti anthu owayendera anali kuzizwa ndi chikondi chawo.

Ampangankhani

Abuwa

Uwu ndi mtundu wa anthu anzeru ndi aluso omwe amakhala kummwera kwa dziko la Ngitau.

Bwampini

- ▶ Mfumu ya Abuwa
- ▶ Anali wamtali, wokulupala komanso watsitsi lobiriwira.
- ▶ Nkhope yake inali yayifupi, mfuno yake inali yayitali komanso yokhota kutsogolo ngati mlomo wa Chiombankhanga.
- ▶ Anali munthu wokongola: ali mnyamata atsikana ankangomulonda ndipo nkhalamba ndi ntchembere zomwe zinkamufunsirafunsira.
- ▶ Anali wanzeru(poyankhula, pocheza ndi anzake komanso pogamula milandu) komanso pamasewera amitundu yonse padalibe mzake.
- ▶ Adasankhidwa kukhala mulumuzana wamkulu mwa onse ndi nduna ya Zimeze.
- ▶ Anthu ankati poganiza, akadakhala mwana wa Tinjiwa mfumu ya kuNtheradi.

Namasinkho

- ▶ Mkazi wa Bwampini
- ▶ Anali wolingana ndi mwamuna wake Bwampini muzonse.

Alendo

Adachita chidwi ndi chikondi cha Bwampini ndi mkazi wake Namasinkho

Mfundo Zazikulu

1. Nzeru

Bwampini anali wanzeru poweruza milandu, pocheza ndi anzake ndi pamasewera osiyanasiya.

2. Mwayi

Bwampini anali wanzeru poweruza milandu, pocheza ndi anzake ndi pamasewera ndipo adachitika mwayi pokwatira mkazi wolingana naye pafupifupi muzonse.

3. Kuchita chisankho choyenera



Mfumu Zimeze idachita chisankho choyenera pomuyika Bwampini kukhala mulumuzana wamkulu mwa onse ndi nduna yake popeza udindowu umafunika munthu wanzeru ngati Bwampiniyo.

4. Chimasomaso

Ntchembere komanso nkhalamba zinkafunsirafunsira Bwampini.

Maphunziro

1. Munthu amapatsidwa udindo malingana ndi nzeru zake.

- ▶ Bwampini adasankhidwa kukhala mulumuzana wamkulu mwa onse komanso nduna ya mfumu malingana ndi nzeru zake pamilandu, pocheza komanso pamasevera osiyanasiyana.

2. Anthu ena amakhala odalitsika ndithu.

- ▶ Bwampini anadalitsidwa ndi nzeru komanso mkazi wolingana naye muzonse.

Matanthauzo amawu

Wokulupala:	wojintcha ndi wonenepa
Chidzete:	chitsiru
Kukhala wotsetekeka:	kukhala wopusa/ kukhala chitsiru
Kaphulika:	mkazi wosaoneka bwino
Khungu:	mkazi wosaoneka bwino kwenikweni
Phula:	kupusa/kupepera
Udongo:	ukhondo
Chikondi cha bulangete:	chikondi chachikulu zedi

MUTU 4 **LITSIPA KUBUSA**

Malo ochitikira nkhani

Ku Sachokeka

Kunali ufulu wokhawokha ndipo Zimeze ndi anthu ake adathokoza Ndomondo popeza zinthu zidayenda mwakaso.(mwambo wovomera chitetezo cha Azimu)

Kumtheradi:	Kunali chimwemwe cha malipenga
Kwa Agangire:	Kunalibe chisangalalo kwenikweni
Kubusa:	Komwe Litsipa adakumana ndi Azimu atatu omwe adamulonjeza kuti amene angamusankheyo ampatsa mphatso yomwe wamulonjezayo

Nkhani mwachidule

Tsiku lina Litsipa ali kubusa Azimu atatu(Mziisi, Chezichezi ndi Ching'aning'ani) adamuonekera. Adamuza kuti abwera kudzamuchezetsa, amukonda komanso amutengera mphatso. Adamuza kuti akatchula yemwe adali wokongola mwa iwo atatu, ndiye adzampatsa



mphatsoyo. Litsipa adaweramira Ching'aning'ani malingana ndi malonjezo ake oti adzampatsa mkazi wokongola kuposa akazi onse. Ching'aning'ani adatsalira namufotokozera Litsipa zamkazi wokongola dzina lake Namadanitsa yemwe amakhala ndi Ndazona.

Ampangankhani

Gangire

Iyi ndi mfumu ya Agangire yomwe inali yokalamba koma yanzeru. Ana ake ankangoona ngati alowa kale ufumu.

Litsipa

Mwana wamkulu wa Gangire yemwe ankaweta ng'ombe ndi zifuyo zina. Adachitika mwayi wokumana ndi Azimu atatu(Mziisi, Chezichezi ndi Ching'aning'ani)omwe adamulonjeza kuti ampatsa zinthu zosiyanasiyana malingana ndi yemwe atamusankhe kuti ndi wokongola mwa iwo.

Utw

Mwana wachiwiri komanso wotsiriza wa Gangire yemwe ankakhala kunyumba nkumasangalatsa ukalamba wa atate ake. Anali wamphamvu kwambiri.

Namadanitsa

Mkazi yemwe Litsipa adapatsidwa pamene adaweramira Ching'aning'ani nasonyeza kuti adali wokongola koposa Azimu atatu(Mziisi, Chezichezi ndi Ching'aning'ani)omwe adamuonekera.

Ndazona

Mphwake wa mfumu Zimeze yemwe ankakhala ndi Namadanitsa.

Malonjezo a Azimu

Mziisi

Aduza Litsipa kuti akatchula iye adzampatsa mphamvun zopambana aliyense amene amamwa madzi.

Chezichezi

Adalonjeza Litsipa kuti adzampatsa luso lakuyimba mingoli, kusemasema ndi kujambula. Adzakhala mini wa zopangapanga zonse.

Ching'aning'ani

Adamulonjeza kuti adzakwatira mkazi amene ndi wokongola mwa atsikana onse a ana a anthu.

Malingaliro a Litsipa asadachite chisankho

- ▶ Pa mawu a Mziisi adalingalira kuti ana anzake omwe adamulaka kale akadawamenya panthawiyi komanso akuluakulu sakadamuopsa.
- ▶ Pa mawu a Chezichezi adalingalira nasilira zoyimba ndi zopangapanga. Akadatha kuvinita ndi akambuku omwenso ndi nyimbo zotsekemera. Atate ake akadawapangira mipando, matebulo ndi mabedi.



- ▶ Pa mawu a Ching'aning'ani, Litsipa adaganizira mkazi wokongola koposa azimayi onse ndi atsikana onse apansi pano ndipo adakondwera kwambiri.

Chisankho cha Litsipa

Adaweramira Ching'aning'ani ndipo Azimu enawo adachoka namsiya Ching'aning'ani yemwe adamufotokozera za Namadanitsa yemwe ankakhala ndi Ndazona mphwake wa Zimeze. Litsipa adachita chisankhochi popeza ganizo la mkazi wokongola kuposa amayi ndi atsikana onse a panso pano lidamkondweretsa kwabasi.

Mfundo zazikulu

1. Kulimba mtima

Litsipa adalimba mtima nalankhulana ndi Azimu atatu omwe adamuonekera komanso ankawayang'ana mosawawopa.

2. Kugwiritsa ntchito mwayi womwe wapezeka

Litsipa adagwiritsa ntchito mwayi womwe Azimu adamupatsa (kutchula yemwe adali wokongola kwambiri mwa Azimu atatu omwe adabwera kudzamuchezetsa)moyenera ndipo adapatsidwa zoyenera (mkazi wokongola kwambiri) malingana ndi malonjezo a Azimu

Maphunziro

Anthu ena amakhala ovuta basi mwachibadwidwe.

- ▶ Agangire anali anthu opanda nsangala komanso ofuna kuyamba dala anzawo.

Anthu ena satengeka ndi zinthu zina pofuna kuchita chisankho.

- ▶ Litsipa adasankha kuweramira Ching'aning'ani kuti apatsidwe mkazi wokongola ngakhale Chezichezi ndi Mziisi anali ndi mphatso zina zokoma.

MUTU 5 **NKHONDO**

Malo ochitikira nkhani: ku Sachokeka (Gangire-Huwa, kunkhondo, kwa Angitau)

Nkhani mwachidule

Agangire motsogozedwa ndi Litsipa adapita ku dziko la Angitau ndikukaba Namadanitsa mkazi wa Ndazona, mphwake wa mfumu Zimeze. Nkhondo yoopsa idabuka ndipo anthu ambiri adafa kuphatikiza Saopa mwana wa mchemwali wake wa Zimeze. Bwampini adapusitsa Agangire potumiza ankhondo ochepa kubwalo ena nkuwabisa m'chihatchi chomwe adasema nkukachiika mumzinda usiku. Asilikali omwe adabidwawo adapha Agangire ambiri ndipo adagwira mfumu Gangire natentha mzinda wa Huwa. Utwa ndi Kazione adadodoma ndi umambala wa Bwampini ndipo adangodzipereka mwakuti nkhondo idathera pomwepo.

Ampangankhani

Agangire: Adamema nkhondo ndipo adagonjetsedwa ndi Angitau. Anali akatsiwi



Angitau:	poyendetsa ngalawa Adaputidwa ndipo adagonjetsa Agangire nawalanda chuma ndi akazi.
Namadanitsa:	Mkazi wa Ndazona yemwe adabedwa ndi Agangire motsogozedwa ndi Litsipa yemwe adauzidwa ndi azimuwo kuti adzampatsa Namadanitsayo.
Alezi:	Ankamuthandiza Namadanitsa kuchapa kumtsinje pamene Agangire adabwera kudzamuba
Ndazona:	Mphwake wa Zimeze komanso mamuna wake wa Namadanitsa
Litsipa:	Adapita ndi Angitau pangalawa kwa Agangire kukaba Namadanitsa
Gangire:	Adagwidwa ndi ndi ankhondo a Angitau ndipo nkhondo idatha.
Kazione:	mkulu wankhondo wa Agangire
Bwampini ndi Pherera:	Akazembe ankhondo a Angitau
Chakhola:	bambo a Kazione amene adagona ndi Ching'aning'ani ,mkazi wamwini, nabereka Kazioneyo.
Utwa:	mwana wam'ng'ono wa Gangire
Saopa:	mwana wa mchemwali wake wa Zimeze

Agangire aba Namadanitsa

- ▶ Adatsogozedwa ndi Litsipa pangalawa
- ▶ Atafika pagombe adakumana ndi Namadanitsa akuchapa pamodzi ndi alezi ake
- ▶ Namadanitsa adalonjera Litsipa namuuzza kuti iyeyo ndi mkazi wa Ndazona mphwake wa Zimeze ndipo adadzipereka kuti aperekeza Litsipa kuti akaonane ndi Zimeze.
- ▶ Litsipa adamuchenjerera Namadanitsa pomuuzza kuti akwere nawo ngalawa ya Agangire pamodzi ndi alezi ake kuti asachedwe. M'malo mopita kwa Ndazona, m'malinyero adayendetsa ngalawayo mothamanga zedi mwakuti m'mene anthu amafika pagombe sadayipeze.

Kumbutso :

Mtsikana(mlezi) yemwe sadalowe nawo m'ngalawa koma adabisala,adauza anthu onse kuti Namadanitsa adabedwa ndi Agangire.

Tsoka la Ndazona

- ▶ Mwana wake wachisamba adadyedwa ndi mikango.
- ▶ Mkazi wake adabedwa ndi Agangire.

Kukonzekera nkhondo

- ▶ **Ndazona**
 - ✓ Adatumiza uthenga kwa mkulu wake Zimeze womudziwitsa kuti Gangire wamema nkhondo ya a Ngitau pomubera mkazi wake.
 - ✓ Adauza amisiri okonza ngalawa kuti akonzeke.
 - ✓ Adauza mlumuzana wake wamkulu wankhondo kuti asonkhanitse anyamata amagazi ndipo awapatse zankhondo.
- ▶ **Agangire**



- ✓ Mfumu Gangire atamva zomwe adachita Litsipa adadziwa kuti kuli nkhondo yoopsa ndipo adauza Kazione mkulu wankhondo kuti akonzeke.

Zizindikiro zankhondo pakati pa Agangire ndi Angitau

- ▶ Mbalame zazikuluzikulu zidaoneka zikumenyana komanso zikusosolana nthenga.
- ▶ Mbamba adayimba lipenga komanso adamenya ng'oma zake.
- ▶ Ku Sachokeka kunali mabingu ndi zing'aning'ani.

Kumbutso:

Tinjiwa ndi anthu ake ku Mtheradi adagawikana: ena amafuna kuthandiza aGangire, ena a Ngitau.

Zochitika pankhondo yomwe idabuka pakati pa Agangire ndi Angitau

- ▶ Bwampini adatsogolera Angitau
- ▶ Kazione adatsogolera a Gangire ndipo adasakaza Angitau.
- ▶ Pherera, kazembe wachiwiri pambuyo pa Bwampini, adasakaza Agangire. Iyeyu chibadwireni chake mpeni, mkondo, muvi sizidathe kulowa m'chikopa chake choncho adalowa pakati pa amaliwongo koma sadabayidwe.
- ▶ Utwa, mwana wam'ng'ono wa Gangire adapambana koopsa (anali wantali, wathupi komanso wodziwa kulewa ndi kuponya.)
- ▶ Pherera ndi Utwa adafuna kumenyana nkhondo yamikondo.
- ▶ Pherera adaponyera mkondo Utwa koma adatetezedwa ndi Ching'aning'ani.
- ▶ Anthu adapumira nkhondo usiku ndipo adapeza mpata woyika maliro.

Kugonja Kwa Agangire

- ▶ Bwampini ndi Pherera adatumiza ankhondo ochepa kubwalo lankhondo. Izi zidachititsa Utwa ndi Kazione kuganiza kuti Angitau agonja.
- ▶ Bwampini adapanga chihatchi chachikulu chosema nalowetsamo ankhondo ndipo adachiyendetsa mpaka mumzinda waukulu wa Gangire-Huwa pakati pa usiku.
- ▶ Agangire sadakhulupirire zoti muchihatchimo mudali anthu ngakhale Namadanitsa adawauza.
- ▶ Ankhondo omwe adali muhatchi adatuluka natentha mzinda wa Huwa, kugwira Gangire mfumu komanso kupha amuna onse okhala mkati ndi nkhalamba. Adatenganso atsikana ndi ntchembere zachitsikana.
- ▶ Utwa ndi Kazione atadodoma ndi umambala wa Bwampini adangodzipereka ndipo nkhondo idathera pompo.

Zotsatira zankhondo

- ▶ Mitembo idakanika kukwiriridwa choncho nyama zankhuli monga afisi zidachita chaka.
- ▶ Mbalame zolusa monga ngwangwa zidapeza chajira.
- ▶ Saopa, mwana wamchemwali wa Zimeze adabayidwa pamimba ndi Kazione ndipo adafera pomwepo adakali mbeta yachimuna.
- ▶ Zimeze adatenga chuma cha Huwa ndi atsikana omwe.
- ▶ Angitau adachita chaka choti adagonjetsa Agangire ndipo adapereka nsembe zothoka azimu makamaka Mziisi powathandiza.



Kumbutso:

Ching'aning'ani anali mkazi wa Mbamba, mchimwene wake wa Chakhola koma Chakhola adagonana naye nabereka Kazione.

Mfundo Zazikulu

1. Kuchenjera/Nzeru

- ▶ Bwampini adachenjerera Agangire posema chihatchi nkulowetsamo ankhondo omwe adakatentha mzinda wa Huwa komanso adapha amuna onse okhala mkati ndi nkhalamba.
- ▶ Bwampini ndi Pherera adatumiza ankhondo ochepa kubwalo lankhondo mwakuti Utwa ndi Kazione adaganiza kuti Angitau agonja.

2. Kulimba mtima

- ▶ Pherera atalusa kwambiri adathamanga pakati pa ankhondo a Agangire ndipo Agangirewo adamwazikana ataona maponyedwe ake osaphonya.

3. Kusazindikira

- ▶ Namadanitsa adakwera ngalawa ya Agangire poganiza kuti akufuna awalondolere kwamfumu posazindikira kuti Litsipa, yemwe amayankhula panthawiyi, adabwera kudzamuba.
- ▶ Agangire omwe adali mumzinda wa Huwa sadazindikire kuti muchihatchi chosema mudali ankhondo mwakuti sadakhulupirire zomwe Namadanitsa adawauza.

Phunziro

Kuchita chisankho cholakwika kumabweretsa mavuto

- ▶ Litsipa adaba mkazi wamwini, Namadanitsa, mwakuti poteropo adamema nkhondo ya Angitau adasakaza Agangire.

Matanthauzo amawu

Amaliwongo: adani

Nyankhwa: mpaliro wamtengo (ena amautcha nkhusa, mphero kapena mphina)

Alezi: anthu olera ana a ena (mbukhumu akutanthauza athandizi kapena azakazi a mkazi wamfumu)

Yatsengera: yabisala/yabisidwa

MUTU 6

BWAMPINI ABWERERA KWAUO KU DZIKO LA ASONGO

Nkhani mwachidule



Bwampini analawirana ndi mfumu Zimeze ndipo adamuza Zimeze kuti adzera njira ina pobwerera kwawo. Anthu omwe adayenda nawo m'ngalawa zisanu adakopeka ndi malalanje pagombe lina koma atakocheza ngalawa napita kuti akathyole zipatsozo adapirikitsidwa komanso adalumidwa ndi asongo. Bwampini adapha asongo khumi ndipo ulendo udapitirira pambuyo pake.

Ampangankhani : Bwampini ndi amalinyero ake komanso asongo

Malo ochitikira nkhani: Panyanja komanso pa chilumba cha asongo

Nkhani zokambidwa ndi anthu paulendowu

- Za ku Gangire
- Nzeru zotamandika za Bwampini
- Za kwawo zokhudza ana awo, akazi awo ndi anansi awo

Zomwe adatenga paulendowu

- Zakudya zambiri
- Madzi osunzasunza
- Vinyo: wotsekemera ndi wowawa

Vuto lomwe lidagwa paulendowu

- Anthu adalumidwa ndi asongo pamene amakathyola malanje omwe adasilira pagombe lina.

Mfundo zazikulu

1. Ulemu

- Amalinyero ndi anthu ena adamupempha Bwampini kuti akaone gombe lazipatso.

2. Kususuka

- Anthu ena adathamangira kukathyola zipatso pagombe asadafufuze chomwe chimachititsa zipatsozo (malalanje) kuti asathyoledwe.

3. Kudzipulumutsa

- Bwampini adathawa komanso adapha asongo omwe amamupiriritsa.

Phunziro

Ndibwino kuyenda limodzi ndi anthu omwe tinapita nawo paulendo.

- Bwampini adauza Zimeze kuti adzera njira in apobwerera kwawo pambuyo pankhondo ku Gangire. Pagombe lina adakumana ndi asongo pamene adakocheza ngalawa kuti akaone malo komanso akathyole zipatso (malalanje).

Matanthauzo amawu

Chimadyo: Munthu wokonda kudya kwambiri



MUTU 7 ANYANI ANTHU

Nkhani mwachidule

Bwampini ndi amalinyero ake adayenda mwamantha panyanja kwa chaka chimodzi. Bwampini adayimba mngoli wake ndipo adamwa vinyo limidzi ndi onse aulendo mpaka adaiwala imfa ya anzawo omwe adalumidwa ndi asongo. Atakocheza ngalawa pagombe lina pomwe adaona moto, amalinyero awiri adaphedwa ndi chimunthu chachilendo chonga nyani. Bwampini adapha chimunthuchi pochidula manja komanso mutu. Pagombepa padabuka nkhondo pakati pa anthu ndi anyani koma anthuwo adapambana ndipo adauyambanso ulendo.

Malo ochitikira nkhani: pa gombe la anyani anthu

Ampangankhani: Bwampini, amalinyero ake ndi anyaniantu

Bwampini ndi amalinyero ake adalidi ndi chisoni

- Akaganiza za njoka zomwe adaziwona, sankakhumbira chakudya.
- Akaganiza za anzawo omwe adafa atalumidwa ndi asongo, amamva chisoni zedi.

Bwampini adathetsa chisoni cha amalinyero

- Adakumbukira kuti kukwiya kulibe phindu komanso kuti ndibwino kumva chisoni koma osapitiriza.
- Adatenga mngoli wake nayamba kuyimba nyimbo zoyiwalitsa mavuto, zopha chisoni komanso zatsekeseke mwakuti amalinyero onse chisoni chawo chidamwazikana.

Vuto la Bwampini ndi amalinyero ake

Amati akaona malo amakocheza ngalawa kuti akaone bwino bwino asanafufuze mokwanira ngakhale anali atakumanapo ndi mavuto.

Chomwe chidachititsa Bwampini kuti akazonde pamalo pomwe adaona moto ukuyaka.

Adafuna kukaona malowo komanso kukatunga madzi popeza madzi omwe adali nawo anali atakhalitsa (adakhala kwa chaka chathunthu).

Zochitika anthu atatuluka m'ngalawa

- Ena adafuna kukhala panso nkumacheza
- Ena adafuna kuyendera malowo
- Bwampini adafunafuna chitsime choti atungepo madzi ndipo adachipeza.

Zomwe zidachitika pamalopa

- Amalinyero awiri adaphedwa ndi chilombo chonga munthu.
- Padabuka nkhondo yoopsa pakati pa amalinyero ndi anyani anthu.
- Anthu ena adaphedwa pankhondo yomwe idabukayi.



- Anyani anthu adapululuka ambiri ndipo ena adachita kuthawa.
- Bwampini adapha amaliwongo makumi anayi ndi mkondo wake komanso mivi yake.

Mfundo zazikulu

1. Chisoni

Bwampini ndi amalinyero ake adamva chisoni poganizira anzawo omwe adafa pamene adalumidwa ndi asongo mwakuti sankakhumbira kudya.

2. Kusalabadira mavuto

Bwampini ndi amalinyero ake sadalabadire zavuto la asongo lomwe lidawawonekera pamene adakocheza pagombe lina. Iwo adakocheza pagombe lomwe adaona pakuyaka moto posaganizira mavuto omwe akadatha kukumana nawo.

3. Mphamvu

Bwampini ndi amalinyero ake adakwanitsa kugonjetsa anyani anthu omwe adali ndi miyala komanso ndodo.

Phunziro

Anthu ena saopa ngakhale akumane ndi mavuto

Bwampini ndi amalinyero ake adathamangitsidwa ndiponso ena adalumidwa naphedwa ndi asongo pamene adakocheza pagombe lina kuti akathole malalanje. Pamene adachoka pagombe limeneli sadaope kukocheza pagombe lina pomwe adaona moto ukuyaka.

Matanthauzo a mawu

MUTU 8 **CHIKUTUMBWE**

Nkhani mwachidule

Adakali paulendo panyanja, Bwampini ndi amalinyero ake adakocheza pagombe lina poti adachita nkhuhi nkhuhi atamva kulira kwa mbuzi ndi nkhusa. Atayenda, adapeza panga la Chikutumbwe. Chikutumbwe adayamba kudya anthuwo. Bwampini ndi anzake otsala adalasa Chikutumbwe padiso ndipo adapeza mwayi wothawa komabe Chikutumbwe adawauza kuti akumana ndi atate ake pamadzi ankathawirapo.

Ampangankhani: Bwampini amalinyero ake komanso Chikutumbwe

Malo ochitikira nkhani: pa gombe pamene padamveka kulira kwa mbuzi ndi nkhusa komanso m'phanga la Chikutumbwe

Bwampini ndi anzake adagwidwa ndi chisoni

- Bwampini ankaganiza za mzinda wa Huwa, abwenzi ake (Pherera, mfumu Zimeze) komanso nkondo pakati pa Angitau ndi Agangire mwakuti mtima sunali kukhala m'malo.
- Amalinyero ankaganizira za anzawo amene adaphedwa ndi anyani anthu

Nyimbo zomwe adayimba mubvina panthawiyi



- Zachisoni
- Zachikwati cha Bwampini ndi Namasinkho
- Zankhondo ya Angitau ndi Agangire

Zomwe zidachititsa Bwampini ndi Amalinyero ake kuti akocheze ngalawa nkukaona pachilumba

- Kulira kwa nkhoa ndi mbuzi
- Bwampini sadathe kugwira chilakolako chokasunzumira malowo
- Adagwidwa ndi nkuli ya nyama.

Kupusa kwa Bwampini ndi anthu omwe adapita pachilumba

- Adaotcha komanso adadya nyama yomwe adayipeza m'phanga ngakhale sadadziwe mwini wake.

Zizindikiro zatsoka panthawiyi

- Mwini phanga lomwe adabizalamo Bwampini ndi anthu ake adalowetsa nkhoa ndi mbuzi m'phangamo ndipo sadamwaze mwaso kulikonse koma adangoponya pansi mtolo wankhuni.
- Mwini phangayu (Chikutumbwe) adatseka pakhomo ndi ndi thanthwe lalikulu.

Chikutumbwe adali woopsa

- Asadagone adadya anthu awiri ndipo adamwera mkaka wodzadza ndowa zitatatu.
- M'mwa kutacha, adadya anthu awiri namweranso mkaka wodzadza ndowa ziwiri.
- Madzulo ake chidadyanso anthu awiri. (chidakulumunya ngati kamphiripiri)

Bwampini adagonjetsa chikutumbwe

- Adasongola chimtengo nauza anzake kuti akhale tcheru usiku.
- Adanyengerera Chikutumbwe ndi vinyo mpaka Chikutumbwe adaledzera nauza Bwampiniyo kuti adzamudya potsiriza pakuti adali waulemu.
- Adayika pamoto chimtengo chomwe adasongola ndipo chitafiira adajinya nacho diso la Chikutumbwe mothandizana ndi anzake mpaka lidathudzuka.

Kumbutso

- Bwampini adanamiza Chikutumbwe kuti dzina lake ndi “Ndingolira.”
- Bwampini ndi anzake adathudzula diso la Chikutumbwe, Chikutumbwe adalira kwambiri mwakuti ana ake onse adabwera koma sadamuthandize popeza atamufunsa adayankha nati: “Akundipha kuno ndingolira.” Ana akewo adamuuzika kuti popeza kuti angolira, abalira.

Bwampini ndi anzake apulumuka m'mphanga

- Bwampini ndi anzake adadzimangirira kumimba kwa nkhoa.
- Atatuluka, adadzimasula nathawa.
- Bwampini adachitira mwano Chikutumbwe pomukuwira kuti atasale bwino.



- Chikutumbwe adazindikira kuti wanamizidwa choncho adaponya chithanthwe m'nyanjamo ndipo chidagwera pafupi ndi ngalawa ya Bwampini ndi anthu ake mwakuti ngalawazo zidali pafupi kutembenezika.
- Chikutumbwe adawachenjeza anthu adamuchita chipongwewa kuti akumana ndi atate ake pamadzipo ndipo sawasiya.

Mfundo zazikulu

1. Nkhuli

Nkhuli yanyama yootcha komanso yophika idachititsa Bwampini ndi ake kuti akocheze pagombe lomwe ena adadyedwa ndi Chikutumbwe.

2. Kusalabadira/Kusamva

Bwampini sadalabadire zamavuto omwe adakumana nawo pamene adakocheza ngalawa pagombe ena awiri paulendowu. Iye ndi anthu ake adakocheza pachilumba pomwe adamva kulira kwa nkhusa ndi mbuzi.

3. Kusaopa

Bwampini ndi anthu ake adaotcha komanso adadya nyama yomwe adayipeza m'mphanga ngakhale sankadziwa komanso sadapeze mwini wake.

4. Kuchenjera

Bwampini adasiya anthu ena m'ngalawa pagombe pamene adakazonda pa chilumba pamene adamva kulira kwa mbuzi ndi nkhusa.

5. Kusazindikira

Chikutumbwe sadazindikire kuti Bwampini, yemwe ankati adzamudya potsiriza popeza anali waulemu, ndi yemwe adakonza chiwembu chomuthudzula diso.

Maphunziro

1. Ena akapuluma pamene amayankhula

Bwampini adayankhulira Chikutumbwe mwano pamene adapulumuka m'phanga komanso atanyamuka ulendo wapangalawa.

2. Kusatsiriza ntchito kumabweretsa mavuto

Bwampini ndi anzake adangothudzula Chikutumbwe diso lokha m'malo mongomupheratu mwakuti pamene ankanyamuka, Chikutumbwe adawaponyera thanthwe kwakuti ngalawa zawo zidali pafupi kutembenezika.



MUTU 9 NKHANU YOLUSA

Nkhani mwachidule

Bwampini ndi anthu ake omwe adatsala adakumana ndi nkhanu yolusa yomwe idali ndi miyendo khumi ndi iwiri ndipo idagwira anthu asanu ndi m'modzi n'kumira nawo. Bwampini ndi anthu otsala adakocheza pagombe lina lamchenga, lokoma ndi lopatsa nsangala.

Ampangankhani: Bwampini, amalinyero ake ndi nkhanu yolusa

Malo ochitikira nkhanu: panyanja ndi pagombe lokongola

Zochitika paulendo panyanja

- Anthu onse adali ndi chisoni kamba ka imfa ya anzawo omwe adadyedwa ndi Chikutumbwe. (Anthu makumi awiri tsopano anali ataphedwa tsopano: ena ndi anyani, ena njoka koma ena ndi Chikutumbwe.)
- Anthu onse tsopano adakwera ngalawa imodzi popeza adatsala ochepa: ngalawa inayo adakwezamo zakudya.
- Bwampini adatonthoza anthuwo ndi nyimbo zake.
- Nkhanu yolusa idadza nkugwira anthu asanu ndi m'modzi nkuwamiziratu.
- Anthu amene adapulumuka adakayika zokafika kumudzi ali ndi moyo.
- Bwampini adapitiriza kuwatonthoza powakumbutsa za kwawo komanso nkondo ya Angitau ndi Agangire ndipo Mubvina adayimba mngoli wake movomereza mawu a Bwampini.
- Anthu adamwa vinyo wafungo komanso adadya chakudya chamafuta.
- Bwampini ndi anthu otsala onse adaona gombe lokoma, lamchenga, komanso dziko lopatsa nsangala mwakuti adatsika kuti akaongole miyendo.

Zizindikiro za nkhanu yolusa

- Kutsogolo kwa ngalawa kumaoneka mafunde akuluakulu ngakhale kuti panyanja panali bata.
- Madzi amaponyedwa m'mwamba namachititsa mitambo kumwamba.
- Madzi amachita ngati akuthamanga.
- Ngalawa imayenda chopendekeka.

Mfundo zazikulu

1. Tsoka

- Bwampini ndi amalinyero ake adakumanandi nkhanu yolusa yomwe idagwira anthu asanu ndi m'modzi n'kumira nawo.

2. Chisoni

- Bwampini ndi anthu onse apaulendo misozi idayenderera, nkhope zidagwa ndipo adakanika kudya poganizira imfa ya anzawo m'manja mwa Chikutumbwe.



3. Kusaopa/Kusalabadira

- Bwampini ndi anthu ake sadalabadire tsoka lomwe adakumana nalo pachilumba pamene adakocheza atamva kulira kwa mbuzi ndi nkhoa ndipo ena adadyedwa ndi chikutumbwe. Iwo adakochezabe pa gombe lina.

4. Luso lapatali

- Mubvina adayimba mngoli wake mwaluso mwakuti anthu adayiwa mavuto, chisoni chawo chidatha mpaka adavina komanso adamwa vinyo wafungo ndi wotsekemera nadya chakudya chopikidwa bwino komanso chamafuta.

5. Mantha

- Anthu apaulendo adali ndi chikaiko choti mwina sakafika kwawo ali moyo.

Phunziro

Anthu ena amadziwa zoyenera kuchita panthawi yoyenera.

- Bwampini atazindikira kuti anthu ali ndi chisoni zedi, adayimba nyimbo zochititsa kaso kuti achotse chisoni chawocho ndipo anthuwo adakondwa navina pomva kuzuna kwa nyimbozo.

Matanthauzo amawu

- Adapwira :Adapita osaonekansa

MUTU 10 NAMATSENGA MAVUTO

Nkhani mwachidule

Atakocheza pa gombe lokongola lamchenga, Bwampini adapita yekha kuphiri ndipo adabwerako ndi mphoyo. Anthu onse adachita phwando nadya nyama yootcha komanso yophika. Mubvina ndi gulu lake mayere adawagwera kuti apite akaone mbali ina yomwe Bwampini adaona utsi koma nyumba yake sinkaoneka. Atafikako adaona nyumba yokongola yokhala ndi kapinga komanso maluwa okongola. Adapeza zilombo (mikango, akambuku, afisi ndi nkhumba) zomwe zidasendeza mofatsa, zidawagwedezera mchira ndipo sina zidawanyambita. Mwini nyumbayo, yemwe adali mzimayi, adawapatsa zakudya ndi vinyo koma adawasandutsa nkhumba powamenya pamutu ndi kandodo. Mubvina, yemwe adabisala kuseri kwa chipilala, adathawa nakamuza Bwampini zomwe zidachitikazo. Bwampini, modzadzidwa ndi mkwiyo, adauyamba ulendo kuti akaone zomwe zidachitikazo ndipo panjira adakumana ndi Mapiko. Mapiko atamva zakomwe ankapita Bwampini, adamuza kuti yemwe adasandutsa anzake kukhala nkhumba anali Mabuta ndipo dzina lake lachitsikana linali Namatsenga. Mapiko adampatsa mankhwala Bwampini ndipo adamulangiza kuti akadyere kumodzi ndi chakudya chomwe akapatsidwe ndi Mabuta komanso akamwere kumodzi ndi chakumwa chomwe akamupatse. Bwampini atafika kwa Mabuta (Namatsenga) adakumbukira langizo la Mapiko ndipo pamene Namatsenga adamumenya pamutu Bwampini sadasanduke



nkhumba. Bwampini adasolola lupanga kuti amuphe koma Namatsenga adamupempha kuti am'khululukire. Bwampini adalamula Namatsenga kuti atsilikule anthu omwe adawasandutsa nkhumba aja ndipo zidaterodi. Namatsenga adapitiriza kupepesa Bwampini ndipo adamukonzera phwando pamodzi ndi anthu ake onse komanso adawaptsa zovala zabwino. Mubvina adalandira mkanjo wagolide ngati mfupo poyimba mochititsa kaso. Pambuyo pachakachi Bwampini ndi anthu ake adauyambanso ulendo wakwawo.

Ampangankhani: Bwampini, Mubvina, Mabuta/Namatsenga, zilombo (Mikango, akambuku, afisi ndi nkhumba)ndi atsikana otumikira Namatsenga

Malo ochitikira nkhani: kuphiri, kunyumba kwa Namatsenga

Zochititsa chidwi pagombe

- Msipu ndi zomera zokongola komanso zabwino
- Mbalame (zazikulu ndi zazing'ono zomwe)
- Tinyama toyenda ndi kukwawa

Zizindikiro zakuopsa kwa malowa

- Pamafuka usti koma nyumba simaoneka

Zodabwitsa ndi ulendo wokaona malo omwe amafuka utsi

- Asadanyamuke, anthu adayamba achita mayere
- Atafika pamalowo adapeza mikango, akambuku, afisi ndi nkhumba koma zilombozi sizinali zaukali: zidasendeza mofatsa, zidawagwedezera mchira ndipo zina zidawanyambita.

Maonekedwe a Namatsenga (Mabuta)

- Wachitsikana
- Wowala ngati nyenyezi
- Wokongola kwabasi
- Watimaso tonyenga ndi taumambala

Kukonzekera phwando lotsanzikana ndi Namatsenga

- Bwampini ndi anthu ake adakasamba madzi ofunda kumipope, adadzola zonunkhira komanso adavala zovala zabwino ndi zosita napesa tsitsi lawo.

Zakudya ndi zakumwa zapaphwando lotsanzikana ndi Namatsenga

- Mikate yophikidwa bwino
- Nyama yamitundumitundu
- Zipatso
- Vinyo wonunkhira

Kumbutso:



1. Amisiri a Namatsenga adayimba bwino kwambiri paphwando lotsanzikana ndi Bwampini.
2. Mubvina adayimba mwaluso mwakuti Namatsenga adamufupa mkanjo wagolide.
3. Namatsenga amakopa anthu ndi zakudya komanso vinyo.

Mfundo zazikulu

1. Kulimba mtima

- Bwampini adapita yekha kuphiri komwe adaphako mphoyo komanso adaona utsi ukufuka modabwitsa koma nyumba simaoneka.
- Bwampini adapita kunyumba ya Namatsenga kuti akaonane naye pamene adasandutsa ena mwa anthu ake kukhala nkhumba.

2. Matsenga

- Mabuta(Namatsenga) adasandutsa ena mwa anthu a Bwampini, omwe adapita kunyumba kwake motsogozedwa ndi Mubvina, kukhala nkhumba

3. Chikondi

- Mapiko(mnyamata wokongola yemwe adakumana ndi Bwampini panjira, Bwampini akupita kwa Namatsenga, adampatsa mankhwala kuti akamwere kumodzi ndi zakudya ngakhaleenso zakumwa zomwe akalandire kwa Namatsenga ndipo mankhwala adateteza Bwampini kuti asasanduke nkhumba pamene Namatsenga adamukwapula ndi kandodo kamatsenga pamutu.

4. Kutengeka

- Anthu omwe adapita ndi Mubvina kunyumba kwa Mabuta adachita chidwi ndi nyimbo zokoma zomwe zinkamveka mkati mwanyumbayo mwakuti adafunitsitsa kulowa ngakhale mwini wake sankamudziwa.

5. Kuchenjera

- Pamene ankalowa mnyumba ya Mabuta, Mubvina adatsalira m'mbuyo nabisala kuseri kwa chipilala mwakuti adaona zonse zomwe zidachitika ndipo adathawa n'kukauza Bwampini ndi anthu ena omwe adatsala.

6. Kusamala alendo

- Namatsenga adauza Bwampini ndi anthu ake kuti akasambe madzi ofunda, adawapatsa zodzola zonunkhira, zakudya komanso vinyo wotsekemera.

7. Chiwembu

- Zilombo zomwe zinali panja pa nyumba ya Namatsenga-Mabuta (mikango, afisi ndi akambuku) zinali zosaopsa. Zinasendezera anthu a Bwampini mofatsa ndipo zina zidawanyambita. Mnyumba mwa Namatsenga ndiye munali moopsa popeza anthu a Bwampini adasandutsidwa kukhala nkhumba atalowa mnyumba pamuyo podutsa zilombozi. Anthu adapusitsika ndi kusaopsa kwa zilombo pamene chilombo choopsa chinali mnyumba.



Maphunziro

Kutengeka sikwabwino.

- Anthu omwe adapita ndi Mubvina kunyumba kwa Mabuta adachita chidwi ndi nyimbo zokoma zomwe zinkamveka mkati mwanyumbayo mwakuti adafunitsitsa kulowa ngakhale mwini wake sankamudziwa. Atalowa mnyumbamo Nmatsenga adawasandutsa nkhumba.

Zinthawi zonse zinthu sizimachitika mwachizolowezi.

- Namatsenga adasandutsa anthu a Bwampini kukhala nkhumba koma adakanika kumusandutsa Bwampini.

Anthu ena sachita zinthu popanda chilolezo.

- Anthu omwe adapita ndi Mubvina kunyumba kwa Nmatsenga sadalowe mnyumbamo mpaka Mubvina atawaloleza kutero.

Matanthauzo amawu

Ngwindiri : zii

MUTU 11 **AMPHALASA-NAMONDWE**

Nkhani mwachidule

Bwampini ndi amalinyero ake adanyamuka kuchoka kwa Namatsenga. Ali panyanja adamva nyimbo zokoma za Amphalasa-Namondwe. Ngakhale Amphalasa-Namondwe adalimbikira kuyimba mokweza, Bwampini ndi anthu ake sadakhotereko popeza adamva mbiri yoipa ya anthuwa yodya anzawo. Adakali panyanjapa, Bwampini ndi anthu ake adaona Ndomondo (bambo wa Chikutumbwe). Ndomondo adautsa mafunde omwe adanyamula komanso adaswa ngalawa zawo. Anthu ena onse adafa kupatula Bwampini yekha.

Ampangankhani: Bwampini ndi amalinyero ake, Ndomondo komanso Amphalasa

Malo ochitikira nkhani: panyanja, pa gombe la Amphalasa

Bwampini ndi amalinyero ake anali okondwa

- Mitima idali m'malo
- Ena adayiwala zoti adasandukapo nkhumba.
- Adadya, adamwa komanso adavina

Zomwe zidachititsa Bwampini ndi Amalinyero ake kuti akondwe

- Namatsenga adawachitira ufulu powapatsa zovala zokongola (zowala).

Amphalasa-Namondwe

- Amakhala kumpoto kwa dziko la Ngitau



- Anali aakulu miyendo komanso anali ndi zikhadabo ngati mbalame
- Ankadya anthu anzawo.
- Ankakopa anthu ndi nyimbo zawo zokoma.
- Adakanika kukopa Bwampini ndi amalinyero ake.

Tsoka panyanja

- Bwampini ndi anthu ake adakumana ndi Ndomondo yemwe adautsa mafunde omwe adaswa ngalawa zawo ndipo adafa kupatula Bwampini yekha.

Mfundo zazikulu

1. Kulimba mtima

- Bwampini ndi anthu ake sadakopeke ndi nyimbo za Amphalasa-Namondwe ngakhale adalimbikira kuyimba popeza ankadziwa khalidwe lawo.

2. Tsoka

- Bwampini ndi anthu ake adakumana ndi Ndomondo yemwe adautsa mafunde omwe adaswa ngalawa zawo ndipo adafa kupatula Bwampini yekha.

3. Kuipa mtima

- Ndomondo adautsa mafunde omwe adaswa ngalawa za Bwampini ndi anthu ake komanso adapha anthu enawo n’kutsala Bwampini yekha.

4. Mwayi

- Bwampini adapulumuka pamene anzake onse adafa ndi mafunde omwe adautsa Ndomondo.

Phunziro

1. Anthu akamasangalala, tsoka limakhala lili pafupi.

- Bwampini ndi anthu ankasangala kamba ka ufulu womwe adawachitira Namatsenga koma pasanathe nthawi adakumana ndi Ndomondo yemwe adautsa mafunde n’kupa ena onse kupatula Bwampini.

2. Pangozi munthu amatha kupulumuka ndi kanthu kakang’ono

- Ngalawa zitaswedwa ndi mafunde a Ndomondo, Bwampini adaumirira thabwa lomwe lidapulumutsa mwakuti adapita nalo kulikonse komwe linali kuyandama.

MUTU 12 **GINGISWA**

Nkhani mwachidule

Bwampini adakakolodwa ndi madzi mpaka adakamtaya pagombe lina. Gingiswa, mkazi wokongola mwachizimu yemwe adachotsedwa kuMtheradi ndi Tinjiwa, adamutola namusamala mpaka adapeza bwino. Gingiswa adafuna kukwatiwa ndi Bwampini ndipo adamuuza Bwampiniyo kuti ankafuna mamuna koma Bwampini adamuuza kuti adali ndi



mkazi kwawo. Ngakhale Gingiswa adali wokongola kuposa Namadanitsa komanso Namasinkho, mkazi wa Bwampini. Ataona kuti Gingiswa ali kumuvutitsabe Bwampini kuti amukwatire, Tinjiwa adatuma Mapiko kuti akamuuze kuti amusiye Bwampini azipita kwawo. Ngakhale sadali wokondwa, Gingiswa adamulola Bwampini kuti azipita kwawo mwakuti Bwampini adakondwera ndi chilinganizochi.

Ampangankhani: Bwampini, Gingiswa, Mapiko ndi Tinjiwa

Malo ochitikira nkhani: panyanja komanso ku phanga la Gingiswa

Kukongola kwa phanga la Gingiswa

- Lidali ndi maluwa apa ndi apo
- Lidali ndi tizithunzi tolemba yekha

Zomwe ankachita Gingiswa akatopa

- Ankasoka
- Ankayimba mkangala wake

Maonekedwe a Bwampini pamene adatoledwa ndi Gingiswa

- Nkhope yake inali yotupa
- Thupi lidasendekasendeka apa ndi apo
- Zovala zake zinali zitang'ambikang'ambika komanso zitadzadza ndi zitsotso komanso udzu wam'madzi.

Gingiswa adamusamala Bwampini

- Adamunyamula napita naye kunyumba kwake.
- Adamugoneka malo abwino namufunditsa nsalu ndi bulangete
- Adamupatsa zodzola zonunkhira ndi zovala zonyezimira.
- Adamukonzera chakudya choyenera Tinjiwa mwa umisiri wake.
- Adampatsa malo ogona.
- Kutacha tsiku lotsatira, adamuphitsira madzi osamba komanso adamukonzera chakudya cham'mawa.
- Adazindikira mwansanga kuti Bwampini anali ndi chisoni ndipo adatenga mkangala wake navesa kuyimba nyimbo ngakhale kuti Bwampiniyo chisoni sichidamuchoke.

Zomwe zinkachititsa Bwampini kuti asakondwe

- Ankaganiza za imfa ya anzake omwe adaphedwa ndi njoka, ena Chikutumbwe, ena ndi Anyanianthu, ena ndi nkhanu yolusa komanso ena ndi mafunde omwe adautsa Ndomondo panyanja choncho iye adatsala yekha basi.
- Ankaganiza za mkazi wake Namasinkho, namadzifunsa kuti mwina akampeza atakwatiwa ndi asatana ena.



Mchezo wa Gingiswa ndi Bwampini pamene Bwampini anali kuganiza za Namasinkho

- Gingiswa adamuuzza bwampini kuti asalote zakwawo; Mkazi adampeza kale angomukwatira basi.
- Gingiswa adamfunza bwampini ngati sadali kufuna kukwatira mkazi wachizimu.
- Bwampini adamuuzza Gingiswa kuti sakadalola zomukwatira ngakhale adali wokongola kwambiri ngakhale akadamuuzza kuti sakadafa pakutero.
- Bwampini adakumbutsa gingiswa kuti iye adali wa ku Sachokeka ndipo adayenera kukwatira ku Sachokeka komweko.
- Bwampini adamuuzanso Gingiswa kuti iye anali ndi mkazi dzina lake Namasinkho.

Gingiswa anali wokongola ndithu

- Ngakhale namadanitsa sakadafola naye.
- Namasinkho akadatha kulowamo mwa Gingiswa makumi okhaokha khumi pakukongola, ndiponso kupambaniratu.

Gingiswa adafunitsitsa kukwatiwa ndi Bwampini

- Adamuuzza bwampini kuti mkazi wampeza angomukwatira.
- Ngakhale kuyankha kwa bwampini pamfundoyi kunali kwamwano, gingiswa sadaleke kumpempha mwamunayu kuti amukwatire.

Zomwe mlembe akutiiza zokhudza Namasinkho

- M'mene Bwampini amapita kunkhondo adamusiya adakali namwali
- Adakali buthu adasonyeza chikhalidwe chokomakoma.
- M'mene adakula nakhala mbeta, makhalidwe adakomerakomera.

Zomwe Bwampini adapatsidwa ndi Gingiswa pobwerera kwawo

- Zakudya, zakumwa, zovala ndi mphatso zina zambiri

Mfundo zazikulu

1. Kusamala alendo

- Gingiswa atamutola Bwampini, pamene adachita ngozi panyanja, adamusamala mpaka mabala ake adapola nakhalanso bwino. Ankaupatsa zakudya komanso ankachezanaye kuti ayiwale mavuto ake.

2. Chisoni

- Tinjiwa adamvera chisoni Bwampini pamene Gingiswa ankapitiriza kumuuzza kuti amukwatire ayiwale zakwawo mwakuti adatuma Mapiko kukamuuzza Gingiswa kuti amusiye Bwampini azipita kwawo.



- Tinjiwa adatumanso Mapiko kuti amperekeze Bwampini mpaka akafike kwawo.
- Bwampini adakanika kudya mwansangala pokumbukira zoopsa zomwe adazona ndipo adamupempha Gingiswa kuti amulole apita kukagona.
- Bwampini ankakonda kupita ku gombe lanyanja n’kumakaganiza zakwawo, Angitau, Zimeze, nkondo yak u Huwa komanso mkazi wake Namasinkho.

3. Kutumika

- Mapiko adapita kukatula uthenga wochokera kwa Tinjiwa kwa Gingiswa woti amulole Bwampini kuti azipita kwawo.

4. Kuyamikira

- Tinjiwa adatumizira Bwampini mphatso zomufupa pakulimba mtima kwake. Mphatsozo zidachokera kwa azimu osiyanasiyana.

Maphunziro

1. Banja sakakamiza

- Ngakhale Gingiswa ankamuuzabe Bwampini kuti amukwatire ndipo kuti ayiwale zakwawo popeza mkazi adamupeza, Bwampini adakanabe.

2. Bwampini anali ndi chikondi chachikulu pa Namasinkho

- Adakana kukwatira Gingiswa ngakhale anali wokongola kuposa Namasinkho ndipo adamuza Gingiswayo kuti iye ali naye kale mkazi kwawo.

MUTU 13

MBALAME IBWERERA KUCHISA (KU BUA)

Nkhani mwachidule

Namasinkho anali wodwala pamene Bwampini amapita kunkhondo. Adabereka mwana wamamuna ndipo adamutchula Uziona (poti anabadwa nthawi yamavuto). Namasinkho adakongolabe ngati namwali ngakhale anali atabereka. Amuna osiyanasiya, olemera komanso ambiri achifumu adabwera kudzamufunsira chikwati koma iye adawakana. Amunawa ankadya zakudya m’nyumbamo komanso ankaononga katundu. Tinjiwa ataona machitidwewa, adatumizira Uziona uthenga kudzera mwa Ching’aning’ani womudziwitsa kuti bambo ake sadafe; adakali moyo ndipo atulukira tsiku lotsatiralo ndiponso kuti adzalowa ufumu wawo mwezi womwewo. Uziona adakondwa mpaka adaledzera koma adasunga chinsinsi monga adamuuzira Ching’aning’ani.

Ampangankhani: Namasinkho, Uziona, Phakaphaka ndi amuna anzake odzafunsira Namasinkho chikwati Ching’aning’ani

Malo ochitikira nkhanu: kunyumba kwa Bwambini

Zomwe anthu adachita ataona kuti Bwampini sakubwerako kunkhondo

- Atumiki ake (aamuna ndi aakazi omwe) adatuluka ntchito.



- Anthu adanyalanyaza nayamba kusatsata malamulo.
- Amuna ambiri, achinyamata, okongola, achuma komanso ena achifumu adabwera ndi chuma kudzamunyengerera Namasinkho chikwati. Amuna amenewa ankadya chakudya ndi zipatso m'nyumba ya Bwampini komanso ankamwa vinyo mwakuti zakudya zidayamba kutha m'nyumbamo. Phakaphaka ndiye ankatsogolera amunawa.

Mawu a Namasinkho kwa Phakaphaka ndi amuna anzake omwe ankamufuna chikwati

- Adawauza kuti anali kumumvetsa chisoni poti ngakhale adabwera kudzamufunsira chikwati anali kuononga katundu ndi ziwiya zomwe zinali za Uziona mwana wake pomanena kuti adzabwezera.
- Amuanwo adabwerera chikwati koma onsewo sangamuthe.

Zomwe Phakaphaka adayankha Namasinkho attachokapo

- Aduza anzakewo kuti asataye mtima popeza umo ndi m'mene amachitira anthu aakazi.
- Akazi safuna kulola munthu pakamodzi; nzeru zawo nkunyengethwa kukana basi.
- Chitsiru chokha chimataya mtima msanga mkazi akakana koyamba.
- Adaonjeza kuti tsiku lotsatiralo ampanikiza Namasinkho kuti asankhe m'modzi mwa iwo ndipo ngati akana, iwo adzayenera kuyisiya nyumba ya Namsinkhoyo namulekeranso chuma chake.

Ziweto zomwe zinali kuphedwa komanso kudyedwa kunyumba ya Bwampini

- Nkhumba, mbuzi, ng'ombe, nkhoa ndi nkuku

Kumbutso: M'nyumba ya Bwampini amuna anali kuchita masewero amtundu uliwonse, ankachita phokoso, ankatukwana, ankamenyana komanso ankasakaza katundu.

Mfundo zazikulu

1. Chikondi chachikulu

- Namasinkho adamukonda mamuna wake kwambiri mwakuti adakana kukwatiwa ndi amuna ena achuma, okongola komanso achifumu omwe adabwera kudzamufunsira chikwati pamene Bwampini adakhala pafupifupi zaka makumi awiri asadabwereko kunkhondo komwe adapita.

2. Chikhulupiriro cholimba

- Uziona anali asanawaonepo bambo ake, Bwampini, koma adali ndi chikhulupiriro kuti adzabwera ngakhale kuti panali patapita zaka zambiri.

3. Kusakaza

- Phakaphaka ndi muna ena amene adabwera kudzafunsira Namasinkho chikwati ankadya chakudya ndi zipatso m'nyumba ya Bwampini komanso ankamwa vinyo



mwakuti zakudya zidayamba kutha m'nyumbamo. Iwo adasakaza chuma pomanena kuti adzabwezera.

4. Chisoni

- Tinjiwa adamumvera chisoni Uzona pamene Phakaphaka ndi amuna ena ankaononga chakudya komanso ziwiya m'nyumba ya atate ake. Uzona ankadya nawo mosaonetsera chizondi koma zinali kumuwawa kwambiri mumtima mwake. Tinjiwa adamutumizira uthenga woti bambo ake ali m'njira akubwera kudzalowanso ufumu wawo.

5. Kusunga chinsinsi

- Uzona sadaululire aliyense ngakhale mayi ake Namasinkho za kubwera kwa atate ake malingana ndi momwe adamuuzira Ching'aning'ani.

Phunziro

Banja sakakamiza

- Phakaphaka ndi amuna ana adakanika kumunyengerera Namasinkho kuti amukwatire. Ngakhale anali achuma ndipo kuti ena amwa iwo anali achifumu komanso okongola, Namasinkho adawakana.

MUTU 14

MBALAME IBWERERA KUCHISA (BWAMPINI)

Nkhani mwachidule

Bwampini ndi Mapiko adacheza nkhani zambiri mu ngalawa paulendo wobwerera kwawo kwa Bwampini ku Bua. Nkhani ya imfa ya mfumu Zimeze idakhumudwitsa Bwampini kwambiri. Mapiko adamuuzira Bwampini kuti mkazi wake anali kumudikirabe, sadakwatiwe ndi mamuna wina komanso adabereka mwana wamumuna iye atangochoka kupita kunkhondo. Popeza kunyumba kwa Bwampini sikudali bwino, Mapiko adamulangiza Bwampini kuti adayenera kukafika kachetechete kuti anthu asadziwe zakubwera kwake choncho Bwampini adasanduka nkhalamba pamene Mapiko adasanduka mnyamata wa ku Bua. Atafika pa gombe adabisa katundu ndipo kunyumba adalandiridwa ndi Uzona ndipo adawazindikira poti Azimu adamuuzira zonse.

Ampangankhani: Bwampini, Mapiko, Uzona, amuna odzafunsira chikwati Namasinkho

Malo ochitikira nkhani: panyanja ndi ku Bua

Makhalidwe a Mapiko pakati pa azimu anzake

- Amakonda kuseketsa anzake.
- Nail wankhani kwabasi.



Mchezo wa Mapiko ndi Bwampini paulendo wa ku Bua

- Mapiko adamukambira Bwampini za imfa ya mfumu zimeze.
- Bwampini atamva m'mene adafera mfumu Zimeze adamuza Mapiko kuti munthu wamkazi mtima wake ndi wolefuka, wosakhalira kunyengedwa ndiponso wopanda chipangano.
- Mapiko adatsutsa mfundoyi ponena kuti alipo akazi ena okhulupirika, osunga chipangano, osagwedezeke, angwiro ongofuna chikwati ndi banja basi.
- Mapiko adati amuna amalakwitsa ponyengezera kuti akazi okha ndiwo achimasomaso. Iye adati pali amuna ena okhulupirika komanso pali amuna ena okonda kusudzulasudzula, kukwatira apa ndi apa, kuthamangathamanga ndi mayi aliyense ndipo sasankha: amangogwira mkhosi aliyense, mwina ndi nalitsiro yemwe, sasamba ndi namamina.
- Mapiko adamkumbutsa Bwampini kuti pali akazi ena adama lamisala, ochita kuthamangitsana ndi amuna: ochita kulirira ndi kutsekulira amuna mwinanso ndi tiana tomwe.
- Mapiko adayamikira Bwampini kuti adadala popeza mkazi wake Namasinkho adapambana akazi onse polewa ndi kupirira zadama.
- Ngakhale Bwampini adakondwa atamva nkhani yokhudza kukhulupirika kwa Namasinkho, Mapiko adauza kuti kunyumba kwake sikudali bwino popeza kunali anyamata ambiri omwe ankamufuna Namasinkho koma adawakanitsitsa ndipo amuna amenewa adamuonongera chuma mwakuti adafunika kukafika mochenjera.
- Mapiko adamulimbitsa mtima kuti sdayenera kuopa popeza Tinjiwa adati adzamuteteza kwa adani ake onse.

Imfa ya Mfumu Zimeze

- Adaphedwa ndi munthu amene amanyengana ndi Nachimasomaso, mkazi wake
- M'mene imatha nkondo samadziwa zomwe zimachitika kunyumba kwake.
- Adakomana ndi munthu amene amanyengana ndi Nachimasomaso pamene ankati azilowa m'nyumba mwake.
- Munthuyu anali ndi nkhwangwa m'manja mwake choncho adadula mutu wa Zimeze.
- Mamunayu adakonza chiwembu limodzi ndi Nachimasomaso.

Nachimasomaso adalidi wachimasomaso

- Adakali namwali ankasewera ndi mnyamata aliyense.
- Ankatsekulira amuna.
- Ankanyengana ndi mamuna wina Zimeze ali ku nkondo.

Mfundo zazikulu

1. Kusakhulupirika



- Nachimasomaso ankanyengana ndi mamuna wina Zimeze ali ku nkondo.

2. Kuteteza

- Tinjiwa adalonjeza kuti ateteza Bwampini kwa adani ake choncho sadayenera kuopa kalikonse.
- Uziona adalandira Bwampini ndi Mapiko ndipo sadauze wina aliyense za kubwera kwa anthuwa.

3. Kudziteteza

- Bwampini ndi Mapiko adasanduka nkhalamba ndi mnyamata kuti asadziwike pamene adafika ku Bua.
- Bwampini ndi Mapiko adafika mwakachetechete mwakuti ndi Uziona yekha adawazindikira ndipo adawapatsa zakudya ndi malo ogona.

Phunziro

Kusamvera kumabweretsa mavuto.

- Zimeze sadamvere akuluakulu pamene adamuza kuti asakwatire Nachimasomaso popeza adali chidzete, chidenterinte, chitsime cha aliyense mwakuti mkaziye ankanyengana ndi mamuna wina iye ali kunkondo ndipo adakonza chiwembu chomupha.

MUTU 15

MBAMBA NDI ZING'ANING'ANI

Ampangankhani

Bwampini, Uziona, Mapiko, Mziisi, Mbamba, Ching'aning'ani, Tinjiwa, Namasinkho, Lipenga, anyamata odazfunsira Namasinkho ndi anthu onse

Malo ochitikira nkhani: Ku Bua

Nkhani mwachidule

Namasinkho adalota Bwampini atabwera ndipo adadzuka atafooka kwambiri. Kunja kunkagunda mbamba komanso kunali zing'aning'ani ngakhale kudali dzuwa lambiri. Anthu ambiri adachita mantha ngakhaleenso ziweto zomwe. Tinjiwa adatuma Mziisi, Mbamba ndi Ching'aning'ani kukalanga anyamata omwe anabwera kudazfunsira Namasinkho chikwati komanso ankaononga chuma cha Bwampini. Azimu atatuwa adadula mitu anyamata osakazawa ndipo adalamula kuti eni anyamatawa asalire; angonyamula mitembo mwakachetechete nkukakwirira. Azimu adalengeza kuti Bwampini adali pakati pawo ndipo kuti tsiku lotsatiralo ndiye lidali loyenera kumulonganso ufumu wake. Tsiku lotsatiralo kudali chaka cha ufumu wa Bwampini ndipo anthu onse adakondwera nathokoza azimu.

Zodabwitsa zioneke ku Bua



- Namasinkho adalota Bwampini atabwera.
- Kumwamba kudagundika mbamba, zigugululu ndi zing'aning'ani pamene kudalibe mvula koma dzuwa labasi.
- Kudaoneka mbalame zitatu zazikulu ngati agalu koma zitatera zidasanduka anthu (akazi awiri ndi mamuna m'modzi) ndipo adazimirira osaoneka ndi maso amunthu.

Phakaphaka ndi anzake adali adyeradi koma adali opusa

- Adachita mantha ndi zomwe zinkachitika koma sadaleke kudya ndi kumwa.
- Sadafune kufufuza kuti chinkachitika chidali chiyani pamene kumagunda zigugululu ndi mbamba.
- Adapitiriza kudya ngakhale ankanjenjemera nkumaphonya pakamwa

Imfa ya anyamata adyera ndi osakaza

- Azimu atatu adalowa m'nyumba ya Bwampini momwe iwo adali koma sadawazindikire.
- Azimu adatseka zitseko ndi mazenera kenako adakuwa modzidzimutsa anyamatawo.
- Azimu adadula mitu anyamatawo ndipo onse adafera pompo.

Zifukwa zomwe adafera anyamatawa

- Anali adyera.
- Adasakaza chuma cha Bwampini.
- Adamvutitsavutitsa Namasinkho, mkazi wa Bwampini.
- Analibe kukhululuka.
- Anali achifwamba ndi oyipa komanso okhakhla mtima.

Nyimbo zomwe Chezichezi adayimba zinthu zitakonzeka za ufumu wa Bwampini

- Nyimbo yoyamba inali yosimba zakuyipa kwa anyamata omwe adaphedwa aja.
- Yachiwiri inali yokamba maulendo a Bwampini, nkondo ya Agangire komanso tsoka lililonse lomwe Bwampini adakumana nalo.

Kumbutso

Pa nyimbo yokamba za Maulendo a Bwampini, anthu adamva chisoni nalira naye Namasinkho chifukwa cha zovuta zomwe adakumana nazo. Pa mbali ina anthu adakondwera kuti mfumu yawo idabwera ndi moyo. Wokondwa kwambiri anli Uziona ndi Namasinkho.

Zochitika pachaka cholonganso bwampini ufumu

- Bwampini adakhala pampando ndipo adadya nyama yonona yokazingidwa bwino, mpunga ndi chakudya chonunkhira.
- Anthu adadya komanso adamwa.
- Kutacha, tsiku lotsatira anthu ndi mafumu ang'onoang'ono adatenga mphatso zamitundumitundu kuti akaone mfumu yawo.



- Bwampini atadzuka adakonzeka bwino ndipo atangotulukira komwe kudali anthuwo ng'oma kudamveka ng'oma ndi m'manja ndipo anthu onse adafuula kuti “Mfumu Bwampini zaka zake zichuluke!”

Mawu a Lipenga pa mwambo waufumu

- Anthu onse poona Bwampini adamuona ngati chuma chotayika cha Bua chomwe ankachilandira panthawiyi.
- Anthu sadayiwale ufumu wanzeru zopanda mzake womuyerekeza wa Bwampini.
- Bwampini dachoka kalekale anyamata ambiri omwe anali kumeta ndevu panthawiyi asanabadwe.
- Anthu ena ankafalitsa zoti Bwampini adafa ndipo omwe adalipo adayenera kuchita manyazi popeza ena adathawa kale.
- Adapempha chikhululuko ndipo adamuza Bwampini kuti alandire mphatso zawo zomwe sizidali kumuyenera.

Mphatso zomwe zidaperekedwa panthawiyi

- Ziwiya zopangidwa ndi luso
- Nyama zonenepa zamoyo
- Nsalu zolukidwa bwino ndi amisiri komanso zopakidwa golide ndi amisiri aku Ntheradi

Mawu a Bwampini atalandira mphatsozi

- Adathokoza anthu kamba komulandira ndi manja awiri.
- Adauza anthuwo kuti akadatha kumukana kuti iyeyo si Bwampini koma sadatero.
- Mphatso zawo zidawonetsa ufumu wawo ndi chikondi chawo kwa mfumu yawo.
- Adati sanali kupeneka kuti zinthu ziyendanso bwino monga kale.
- Adakumbutsa anthuwo kuti Abuwa apambana pa nzeru ndi ufulu kwa alendo ndi kumvana ndipo adawalimbikitsa anthuwa kuti mtima umenewo asausiye.

Kumbutso

- Atayankhula izi Bwampini adakhala pansi ndipo Lipenga adalengeza kuti masana atsikulo kudali chaka pafupi ndi nyumb yamfumu. Anthu adapha ziweto monga nkhuku, nkhumba, ng'ombe ndi mbuzi ndipo chaka chidayamba navina zibiya ndi magule ena monga mganda, likwata ndi njazo.

Mfundo zomwe zinali munyimbo yomwe anthu amayimba pachakachi

- Anthu adamva za ukatswiri wa Bwampini posema hatchi pankhondo ya Agangire.
- Anthu adamva za asongo oluma, anyanianthu, Chikutumbwe, Namatsenga, Nkhanu yolusa ndi Amphalasa komanso namondwe yemwe adapha anthu.
- Buwa adayenera kuthokoza popeza mfumu yawo yanzeru kopambana idabwera.



- Amuna akabadwa masauka koma Buwa adapatsidwa munthu wanzeru, waluso, wakhama komanso wamphamvu.

Mfundo zazikulu

1. Ulemu

- Azimu adamuchitira Bwampini pomumenyera nkhondo yolanga anyamata amene amafunsira Namasinkho komanso kusakaza chuma chake.

2. Kutumika

- Mziisi, Mbamba ndi Ching'aning'ani adapita kukalanga anyamata omwe adavutitsa Namasinkho komanso kusakaza chuma cha Bwampini.

3. Kudekha

- Bwampini adamvera mawu a Azimu kuti akafike mwakachetechete mwakuti Azimuwo adamumenyera nkhondo.

Phunziro

Azimu amachita zinthu munthawi yake.

- Tinjiwa adatuma Mziisi, Mbamba ndi Ching'aning'ani kuti akalange anyamata osakaza ndi adyera pamene mwini chuma chomwe ankasakacho komanso mwini mkazi yemwe ankamusautsa, Bwampini, adabwerera ku Bua.
- Tinjiwa adamuza Mapiko kuti amuperekeze Bwampini mpaka akamusiye ku Bua.

